

KUPU APITI.

HE PANUITANGA KA TU ANO HE WHAKAWA HOU MO TETANI TONO.

Nama.	Nga Ingoa o nga Kai-tono.	Nga whakataunga mo reira nga tono.
12	D. M. Findlay me P. E. Baldwin (nga roia mo Te Amaru Pamoā me etahi atu)	Tono kia tu he whakawa hou ko te take he mea tinihanga te mahi i whakaputaina ai nga whakatau e whai ake nei. He whakataunga na te Kooti Whenua Maori me te Kooti Whakawa Tuarua, i kore ai e whakamanaia te wira a Wi Matua, kua mate, tae atu hoki ki nga whakataunga a te Kooti Whenua Maori me te Kooti Whakawa Tuarua mo runga mo nga tono kia whakaturia he kai-riiwhi mo nga paanga o taua Wi Matua, kua mate, i Porangahau 1B Nama 4J, i Mangaorapa, i Manga-maire B, i Whawhakanga me Porangahau Nama 2B Poraka.

OTA I RARO I TEKIONA 39 O "TE TURE KOOTI WHENUA MAORI, 1894."

I ROTO I TE KOOTI WHENUA MAORI O NIU TIRENI, TAKIWA O PONEKE.

Mo runga mo te tono a Rongomaora Ihimera i raro i tekiona 39 o "Te Ture Kooti Whenua Maori, 1894," kia whakakorea atu te ota a te Kooti o te 12 o nga ra o Noema, 1887, whakatu kai-riiwhi mo Ria Tutereiao, kua mate, i Ngatira hiri Poraka Nama 6 me 14, a mo runga hoki mo te tukunga atu a te Tumuaki Kai-whakawa o taua Kooti i taua take i raro i tekiona 49 o "Te Ture Whakatikatika i nga Ture Whenua Maori, 1895," kia uiuia, a mo runga ano hoki i te Ota a te Kawana i roto tona Kaunihara, o te 31 o nga ra o Maehe, 1909, i whakaetia ai kia mahia e te Tumuaki Kai-whakawa he ota i raro i tekiona 39 e kiiia ake ra.

NOTEMEA kua tukua atu te tono e whakaaturia i runga nei kia uiuia, kia ripoatatia mai hoki e te Kooti Whenua Maori, a kua ripoatatia mai: A notemea kua kitea iho i mahi pohehetia te ota whakatu i nga kai-riiwhi mo Ria Tutereiao, kua mate, i Ngatirahiri Nama 6 me 14:

No reira hei whakatika i taua mahi pohehe, hei whakatutuki ano hoki i nga mana i whakawhiwhia ki au ki te Tumuaki Kai-whakawa o taua Kooti e tekiona 39 e kiiia ake ra, ka whakataua e au i naianei ko taua ota a te Kooti o te 12 o nga ra o Noema, 1887, whakatu i nga kai-riiwhi mo Ria Tutereiao, kua mate, mo te whenua e whakahuatia ana i runga ake ra me whakakore atu, a ko nga ota katoa i mahia i runga i te ahuatanga o taua ota kai-riiwhi me whakakore atu ano hoki.

He mea tuhi naku i tenei te 12 o nga ra o Hune, 1909.

TIAKIHANA PAAMA, Tumuaki Kai-whakawa.

HE WHAKAKORENGA I TE TONO I RARO I TEKIONA 39 O "TE TURE KOOTI WHENUA MAORI, 1894,"

I ROTO I TE KOOTI WHENUA MAORI O NIU TIRENI, TAKIWA O PONEKE.

Mo runga mo te tono a Te Pohau Ngarori ara Wi Tamihana Ngarori ki te Tumuaki Kai-whakawa i raro i tekiona 39 o "Te Ture Kooti Whenua Maori, 1894," kia whakatikaia te ota a te Kooti whakatu i nga kai-riiwhi mo te paanga o Wi Waaka Kahukura, kua mate, i Te Oreore Nama 1 me era atu poraka.

HE panuitanga tenei kua whakakorea te tono a Te Pohau Ngarori ara Wi Tamihana Ngarori i raro i tekiona 39 o "Te Ture Kooti Whenua Maori, 1894," kia whakatikaia te ota a te Kooti o te 12 o nga ra o Oketopa, 1892, whakatu i nga kai-riiwhi mo te paanga o Wi Waaka Kahukura, kua mate, i Te Oreore Nama 1 me era atu poraka; a tenei ka whakaetia kia piira te kai-tono i taua whakataunga i roto i nga ra tekau-ma-wha atu i te whakaurunga o tenei whakaaturanga ki roto ki te *Gazette* me te *Kahiti*.

Hei tohu koia ka tuhia toku ingoa ki raro i tenei te 17 o nga ra o Hune, 1909.

TIAKIHANA PAAMA, Tumuaki Kai-whakawa.

Panuitanga mo nga Ingoa o nga Tangata kua mana hei Komiti mo nga Poraka Whenua kua Whakakaporeihamatia.

I ROTO I TE KOOTI WHENUA MAORI O NIU TIRENI, TAKIWA O KIHIPANE.

HE panuitanga tenei kua mohiotia ai kua whakataua e te Kooti Whenua Maori ko nga tangata e mau nei o ratou ingoa i te Kupu Apiti kua mana hei komiti whaka-haere i nga mahi mo nga tikanga katoa o te whenua e mau ake nei nga ingoa i te Kupu Apiti i raro iho nei.

He tuhia i Kihipane, i tenei te 16 o nga ra o Hune, 1909.

Na HERORA KAA, Kai-rehita.

KUPU APITI.

Te ingoa o te Poraka.	Nga Ingoa o nga Memu o te Komiti.
Puninga Nama 10	Rewi Toheriri. Hemi Ngarangikatuku. Hemi Kiti Mokena. Tame Pateriti.